



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

LIV. Maximilianus Henricus

[urn:nbn:de:hbz:466:1-64252](https://nbn-resolving.org/urn:nbn:de:hbz:466:1-64252)

Generali praesedit. Anno 1633. in autumnno obsideri coeptum Hildesium a copiis Lunæburgicis, & Anno 1634. 22. Julii certis conditionibus, deditum, retentumq; : donec Anno 1643. pacis foedera Archi-Episcopum Coloniensem inter & Duces Brunswicenses percussa sunt, atq; his Wolffenbutum & Einbecka, illi verò Hildesium cum Praefecturis, sub Joanne Episcopo amissis, restituta sunt, subtractis iis, quæ vel hypothecæ vel feudi nomine possessæ ferebantur. Deniq; mense Octobri educto è Civitate Hildesiensi, Praesidio Lunæburgico, Principis Ministri, Canonici, Religiosi, cæteri; Catholici, qui ante novennium excesserant, rediére. Ferdinandus verò postquam Episcopatum hunc tribus Praefecturis constantem, in pristinum statum & vigorem restituisset Anno 1630. deinde prorsus amissum, in eam quæ modo est amplitudinem reposuisset, Arensburgæ Anno 1650. 13. Septembris ad vitam meliorem evocatus est: cui ut *Patriæ Recuperatori*, à Cathedrali Capitulo, reliquoq; Clero ac Religiosorum Cœtibus cum luctu parentatum est.

LIV. MAXIMILIANUS HENRICUS Bavariæ Dux, Archi-Episcopus & Princeps Elector Coloniensis, atq; hujus Episcopatus Coadjutor, Anno 1650. mense Octobri, solenni ritu ejusdem possessionem adiit, per Gommissarium Arnoldum Baronem ab Hoensbruch Cathedralis Ecclesiæ Praepositum, qui cum juramentum ex more Capitulo praestitisset, mox illud quoq; à Cancellario, Consiliariis, aliisq; Ministris exegit. Anno 1652. 16. Februarii Serenissimus Elector Hildesium ingressurus, Arcem Steurwaldensem transiit, ac per portam Orientalem, aliquot

quot Equitum, Peditumq; turmis stipatus per forum
 ad Curiam Episcopalem pervenit, ubi Clerum Ca-
 thedralem, aliosq; Prælatos ad manûs osculum ad-
 misit. Festâ S. Matthiæ luce, solenne in summa Æde
 sacrum decantavit, ritibus & symphoniâ, quibus ad
 eum diem hoc loci nihil simile aut visum, aut auditum.
 Idem Serenissimus 26. Februarii in Curia Magistratui
 jura & Privilegiâ quædâ confirmavit; ac deinde homa-
 gium præstitit tota in foro Collecta Civitas: Diebus
 Christo resurgenti & Virgini ab Angelo salutatæ sacris,
 Maximilianus Henricus præclara pietatis argumenta
 dedit, quando ritu Pontificali rem divinam peregit
 sacram synaxin distribuit, & Confirmationis Sacra-
 mentum, Ordinésque sacros quàm plurimis contulit.
 Die 12. & 13. Aprilis in Cathedrali Ecclesia magnificè
 synodum celebravit, cujus acta Anno sequente typis
 vulgata sunt. In hebdomade sanctâ, die Parasceves,
 templa Catholica, non sine singulari animi demissione
 ac devotione pedes adivit, precesq; pias fudit. Post Pa-
 scha hinc discedens, in transitu Serenissimos Duces
 Brunswico-Lunæburgicos Christianum Ludovicum
 Cellis, & Georgium Wilhelmum Hannoveræ invisit,
 à quibus Basilicè exceptus est. Deinde durante 37 AN-
 norû pacifico regimine, plerásq; arces, domosve Præ-
 fecturarum hujus Diceceseos, cum sacellis, aut restaura-
 vit, aut è fundamentis erexit, impensis 300 propè Im-
 perialium millibus: Poppenburgi, Ruthæ, Bilderlahæ
 & Schladæ animarum Curatores denuò instituit. PP.
 Capuccinos Hildesium revocavit, variasq; ædes à Civi-
 tate coemptas eis attribuit. Deniq; Anno 1688.3. Junii
 st. n. diuturno morbo confectus Bonnæ placidè & piè,
 uti

Anno 1666.
 22. Decembra.
 Maxim: Hen.
 Dominæ Co-
 mitissæ de
 Rantzau cum
 religiosis Vir-
 ginibus, quæ
 cum ea Pari-
 sis venerant.
 Monasterium
 sacri ordinis
 Annunciat:
 celest: Beth-
 lehem dictum
 intra Hildesi-
 um fundare
 ac ædificare
 permisit.

uti vixit, exspiravit: cui, ut Episcopo suo, & Patriæ Con-
servatori Clerus, Nobilitas, Senatus, Populusq; Hilde-
siensis, compulsatis Urbe totâ campanis, concionibus
funebribus in omnibus templis, & erecto in summa
Æde magnifico castro doloris parentavit.

LV. JODOCUS EDMUNDUS Ex per-
illustri & perantiqua familia Dominorum de Brabeck,
Anno 1619. in Castro gentilitio Lethmate, in Vigilia
S. Martini Episcopi, bono omine, in lucem editus,
primam statim adolescentiam Deo consecravit: Ca-
nonicatum enim in Cathedrali Monasteriensi adhuc
minorenns nactus, ut Canonicus studiis humanio-
ribus intentus, aliquot annos frequentavit Ecclesiam:
scientiis verò subtilioribus, secundum Capituli statuta,
imbutus est Aureliæ in Gallia. Deinde in numerum
Capitularium adscitus Anno 1649. Romam ad limina
SS. Apostolorum Petri & Pauli, devotionis gratiâ,
profectus est, instante jam Anno sancto 1650. quo &
Jubileo interfuit. Anno 1651 Neapolim, Insulasq; Si-
ciliam & Melitam adiit: inde redux, accepto Ferdi-
nandi Serenissimi Electoris Colonienfis & Episcopi
Monasteriensis obitu, in Germaniam reversus, ad ele-
ctionem Celsissimi Christophori Bernardi fel. mem. in
Episcopum Monasteriensem, præsentia & dexteritate
suâ plurimum ponderis addidit. Cui quoq; in Thesau-
rarii dignitate successit, Reverendissimo Cathedrali
Capitulo potissimum adnitente, datiq; Anno 1651.
14. Aprilis literis attestante: *Inter Canonicos suos eman-
cipatos parem non reperiri, qui cum majore Ecclesie fructu,
& Religionis incremento hanc Prælaturam sustineret.* Mox
& ad intima ejusdem Celsissimi consilia, sublimi-
umque